



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiæ Avtoritate, & de ueterum scriptis Libellus

Melanchthon, Philipp

Vitebergae, 1550

VD16 M 3084

De Cypriano.

urn:nbn:de:hbz:466:1-35753

DE ECCLESIA.

Hæc uocabant oblationes εγγιτωας, et
erat ab ethniciis acceptus, sed non nihil corre-
ctus. Nam Ethnici dabant epulas etiam in tem-
plis, in natalibus et funeribus, ac postea Nicu-
na Synodus et aliae prohibuerunt hanc pom-
pam natalium.

Ergo ut de cæteris dictum est, testimonia
historica in Tertuliano prosunt, ubi commemo-
rat, quid senserit prior Ecclesia. Sed eius enar-
rations et disputationes non recipientur tan-
quam dogmata, nisi quatenus consentiunt cum
Apostolica scriptura.

De Cypriano.

Cyprianus uixit circiter annum Domini
CC. LX. Continct utilia testimonia, De Trini-
tate, De baptismo parvulorum, De usu Coenæ
Domini, et de forma electionis Episcoporum,
quos scribit electos esse à cœtu Ecclesie, et
eam electionem comprobatam esse adhibuit
aliquibus uicinis Episcopis.

Sed ueteres etiam taxarunt Cyprianum,

scilicet

PHILIP. MELANTH.

Sentit baptizatos ab Hæreticis rursus baptizandos esse. Effundit inter declamandum interdum absurdas sententias, cum exaggerat immoderatus hyperbolis causam, quam instituit. Ut de pœnis Canonicis admodum duriter scribit, ait non ualere absolutionem, nisi illæ pœnæ fuerint persolutæ. Hoc dictum quantum habeat incommodi, non est obscurum.

Vehementer etiam declamat de cœlibatu, & si eum quidem locum mitigat, iubet contrahere coniugia illos ipsos, qui uota fecerant, si non seruent promissum. In libello de elemosyna inquit, peccata ante baptismum commissæ remitti propter Christi passionem, sed post baptismum quærarendam esse remissionem per elemosynas. Idem repetit de lapsis, consumptum esse beneficium Christi in baptismo, postea per elemosynas quærarendam esse remissionem. Hæc sunt plena absurditatis, quæ admonitus haud die correxisset, Non igitur dicta ipsius omnia pro dogmatibus habenda sunt.

De Cœna domini solet uti uerbis oblationis & sacrificij, sicut cæteri, qui dicunt pros-

D 3 miscue:

DE ECCLESIA.

misere: Offerimus orationes, Offerimus panem,
umum, Offerimus corpus & sanguinem Christi.
Nam id quoq; reperitur, apud Cyprianum.
Hinc aduersarij nostri sumunt testimonia, ad
defendendam prophanationem Cœnæ Domini
in Missa priuata &c.

Magna uis est consuetudinis, & hanc se-
quentes sœpe improprie loquuntur homines, ut
nunc Missam dicimus, cum nulli nota sit nomis-
nis etymologia. Ita ueteres retinuerunt uoca-
bula oblationis & sacrificij, non admodum cu-
rantes etymologiam, aut propriam significatio-
nem. Et quia uidit Augustinus aliqui in his ap-
pellationibus esse incommodi, ipse leniit, Sacri-
cium inquit dici pro memoria sacrificij, & ob-
lationem pro memoria oblationis. Hæ sunt me-
tonymiae, ut dicimus, Pascha pro memoria, seu
signo transitus. Sed nolo argute uel interpretari
uel excusare locutionem usitatam illius tempo-
ris. Sic enim populus loquebatur, qui interdum
recipit impropriam uocem.

Irenæus clare dicit hanc oblationem esse
gratiarum actionem. Idem sentiebant coeteri,
testas

PHILIP. MELANTH.

testatur nomen Eucharistiæ, Quare senserunt esse cæmoniam, qua aguntur gratiæ. Id nihil habet incommodi. Accipimus enim, ut admoneamur beneficij nobis donati à Christo, & fidem excusitemus, deinde agamus gratias pro eo beneficio, nec inde sequitur, id opus pro alijs faciendum esse, alijs applicandum esse &c. Hæc monstrane quidem cogitarunt Patres. Ergo cum legimus nomen sacrificij & oblationis, intelligamus aut signum sacrificij & oblationis, aut gratiarum actionem, non affingamus applicationem pro alijs.

Interdum uno nomine uocant oblationem, totum illud negocium, quod ibi agitur, uis delicit, orationes & coenam Domini. Hoc cum sit, orationes intelligantur esse oblationes.

Leguntur etiam apud Cyprianum de mortuis quedam uerba, quæ recentiores male detorquent, Sacrificia pro eis offerimus, sed hæc dicit de Martyribus. Horum enim fiebat mensio in precationibus, cum agerentur gratiæ Deo, quod illos adiuuisset. Sicut Græcus Canon di-

D 4 cit: